

欽定剿平三省邪匪方略

欽定剿平三省邪匪方略正編卷六十七

戊午年

三月十二日

丙子

秦承恩奏言賊匪李全一股經

臣與王文雄暨興肇柯藩於二月二十五六等

日在盤屋鄆縣境內兩次痛剿漸形窮蹙總在

近山一帶晝夜狂奔訊據獲犯供稱賊營內搶

馬三四千匹商議將近省城卽由大路衝突直

走河南

臣

等以賊志旣在東竄官兵必須先行

抄出東北攔截省城及臨潼大路三十日賊匪

沿山竄近長安地界

臣

等卽由鄠縣趕至省城

星夜向東南壩截三月初一日行抵尹家衛正

值賊匪全隊已上大路與肇柯藩王文雄分兵

三路前進

臣

相繼湍發賊衆拚死迎拒我兵奮

勇直前殲斃賊匪八百餘名執旗賊目三名賊

匪仍向南折回大峪口一帶奔逸適

臣

調赴北

路堵剿之平利鄉勇由南山小路行抵大峪口  
探知賊匪已被官兵剿敗經帶領鄉勇之知縣  
畢所密千總銜義首王英督率橫衝將賊匪截  
斷攪殺多時殲斃三百餘名賊匪首尾不能相  
顧遂向東西兩路翻山奔竄東路之賊竄近庫  
峪適額勒登保因兜剿齊王氏等繞至藍田湯  
峪卽首先趕到督率索倫及各營官兵奮勇迎

擊殲賊一二千名又有興肇等緊隨兜剿賊匪  
前後受敵復分股折回抵拒經興肇柯藩迎頭  
截擊殲戮甚多餘衆竄入庫峪口內西路之賊  
竄至翔峪澧峪一帶分爲數股於各山溝內出  
沒滋擾臣與王文雄於初二三四等日督率叅  
將鍾岳鮑貴等帶領兵勇堵住翔峪向內逼攻  
賊衆翻山四竄兵勇分搜趕殺一千餘人其竄

入澧峪之賊尙敢恃險抗拒經兵勇撲上截設  
又斃五百餘人生擒二百三十人並招出被獲  
難民一千數百人此外零星竄匪又經義首徐  
正勝等帶領鄉勇沿途搜洗四百餘人奪獲騾  
馬器械甚多此股業經辦竣庫峪之賊興肇柯  
藩紫隨截剿連日多有殺獲而額勒登保探聞  
齊王氏等有折竄藍田草坪河之信已自庫峪

馳回截剿興肇等兵力尙單臣復添派精練鄉

勇一千餘名前往協剿並挑派平利鄉勇繞道

馳赴商州一帶探蹤迎頭攔截不難殄滅淨盡

惟連接漢興道及五郎廳稟報有通江竄匪阮

正通一股於二月二十二日闖入南鄭之牟家

壩仍由城固之文川一帶竄至五郎廳境是北

路又關緊要齊王氏高均德等現有折竄草坪

河之信藍田一路亦須擇要嚴防臣與王文雄

現將秦嶺一帶卡隘布置卽帶領兵勇馳赴藍田一帶探聽各股賊蹤何路最關緊要卽赴何路迎頭截剿謹將此次出力人員開單呈

覽懇請

加恩再查賊匪裹帶良民先將髮辮割出並於面上刺白蓮教三字意在脅令隨行使之不能逃走



臣已沿途遍貼告示曉諭兵勇凡有乘間逃回

良民不得因此輒認爲教匪妄行殺害現在陸

續投出者不下數千人除各路軍營隨時釋放

外其有解到省城者臣飛飭兩司逐加查訊凡

係被脅難民卽給票放歸復業如實係從逆之

犯卽行分別正法適接額勒登保來信沿途解

散被脅民人甚多與臣現辦情形相符庶足以

散賊勢而保無事

同日汪新奏言臣前因陝省賊匪逼近鄜西前

往堵剿初三日行抵該縣探明賊匪高均德齊

王氏等尙在陝省商州山陽一帶奔竄距楚境

二三百里鎮臣路超吉現帶兵二千名分布駐

守並有道員張道源知府王正常帶領健勇數

千名於各要隘幫同防範聲勢連絡似可無虞

初四日接准宜昌鎮張廷彥來札據稱川省賊  
匪於二月二十五日由巫山縣竄至巴東羅溪  
壩地方約有四五千人該鎮督率兵勇奮力迎  
剿殺賊十餘名生擒賊目葉文中一名據供賊  
首劉成棟共領賊匪一萬二三千人分爲三股  
尙有兩股從長峰山又一帶行走欲從歸州興  
山一帶竄往河南陝西等處隨將該犯正法餘

賊當卽退去該鎮現已帶兵馳赴歸州堵截

臣

查歸州一帶在在與川省連界路徑分歧現雖設有兵勇每卡不過數百名誠恐寡不敵衆提

督文圖本在竹谿一路防堵此時陝省之賊已

各竄渡漢江勒保現調文圖前往巫山堵剿刻

下奔竄歸州者卽係巫山之賊

臣

隨飛咨該提

督速帶原領江西兵八百餘名馳赴歸州幫同

張廷彥迎頭截剿免致下竄其竹谿一帶卽飭  
道員胡齊嵩會同將弁防守臣亦卽日馳赴荆

襄一帶察看何處緊要卽往何處策應再此時

楚北各屬凡與川陝連界之處均需防剿是以

臣

已飛咨荆州右翼副都統海興阿挑帶滿兵

五百名前赴歸宜一帶堵剿並咨會左翼副都

統成德以此時襄郡離賊尙遠仍令回荆鎮守

均奏入

上命軍機大臣傳諭秦承恩景安汪新額勒登保曰  
秦承恩奏官兵節次痛剿李全股匪情形殲賊較  
多惟首逆仍未拏獲現在西路竄匪業已殲盡是  
否有張添文在內抑亦竄往庫峪而庫峪一股有  
無李全在內均未聲敘總之首逆未擒祇將餘黨  
剿散則到處勾結裹脅又必日聚日多今此股敗

匪復至庫峪竄擾豈庫峪獨非陝省地方可以任  
賊屯聚耶乃秦承恩等輒因得有勝仗保列多人  
尤屬非是特以此次帶兵員弁尙爲奮勉姑照所  
請加恩此後總須拏獲賊首方准保奏不得妄思  
冒濫現在庫峪竄匪興肇等緊隨跟剿秦承恩派  
撥鄉勇前往協助興肇等務須倍加奮勉速將首  
夥殲除淨盡至額勒登保本係追剿齊王氏一股

繞至藍田因李全一股正向西竄卽到彼地擊今  
此股賊匪已竄庫峪而齊王氏一股究在何處奔  
竄額勒登保當速行剿辦毋得急其所緩轉致正  
股賊首他竄至被賊裹脅良民經秦承恩分別安  
撫使之陸續投出亦足以解散賊匪所辦尙是又  
據汪新奏川省股匪由巫山竄入歸巴一帶自係  
白巖山竄逸之賊該撫回至襄陽並派文圖海興



阿帶兵迎往歸宜堵剿而荊州一帶又有成德防  
守亦足以資彈壓所辦尙爲得宜景安卽日到襄  
當與汪新悉心籌辦勿任肆竄滋擾

上諭內閣曰秦承忍等此次督剿鄂縣一帶賊匪並  
未拏獲首逆姑念打仗各員弁尙屬奮勉出力都  
司吳經國守備楊光時千總劉文煥蘭魁武李孟  
得把總李清柱張斌外委彭繼魯知縣姚合俞俱

著加恩賞戴藍翎丁總王開吉沈得榮知縣畢所  
密典史江煒俱著以應陞之缺陞用千總銜義首  
任得勝王英嚴玉春隨營把總劉世勲鐵鑑俱著  
以把總補用候選從九品顧麟趾捐職從九品葉  
蔭松俱著以本銜卽用

十三日

丁丑

德榜奏言查楚匪滋事以來蔓延

數省皆由齊王氏姚之富二犯朋比爲好首先

集眾焚劫同教匪犯妄稱爲總教師到處蜂起  
附和聽其號令是該二犯尤爲眾惡渠魁屢奉

聖明訓飭先令剿辦此股日前齊王氏姚之富與高

均德分擾山陽商州經臣等分兵抄擊該匪相

繼竄入藍田又經官兵繞前截殺高均德折回

山陽鎮安一帶南竄齊王氏姚之富折向山陽

石河鋪東竄其時額勒登保因張添文李全等

賊匪自整屋竄及藍田正在迎頭截擊不及帶

兵協剿

臣

一路官兵不敷兜擊是宜酌量緩急

先剿齊逆查石河鋪路逕歧出可由漫川關高  
壩店前入豫省又可由上津堡前入楚北當派

賽冲阿帶兵一千晝夜馳至高壩店派温春愛

星阿等帶兵一千馳至漫川關分投堵截

臣

同

明亮帶兵四千餘名由黃隴鋪寬坪向漫川關

并剿並可與賽沖阿等三面夾擊初五日子刻

自黃隴鋪發兵辰刻抄至寬坪正值賊分三路

向蓮花池一路竄走臣等帶兵亦分三路並進

賊人排列左右分投抗拒臣親率阿穆勒塔木

騰額副將德寧巴圖魯侍衛等帶兵從大路截

殺明亮同阿哈保副將扎爾杭阿等帶兵搶上

右手山梁壓擊圖桑阿率領步隊官兵接續前

進賊衆膽敢施放火鎗臣率領馬兵直前衝殺

左山梁之賊經明亮等率領勁旅擁上壓剿右

山梁之賊亦被達音泰等抄上擊殺共殲獲賊

匪一千餘名賊人力不能支分投狂竄臣由大

路乘勝追殺明亮同阿哈保達音泰由山梁馳

擊該匪奔至尖河口合爲兩隊一股竄往兩河

口經賽沖阿在高壩店聞信帶兵迎擊一股竄

往漫川關經溫春愛星阿等帶兵截殺該匪仍

復折回

臣

趕緊前進與賽冲阿等三面夾攻賊

人又折向西南甘溝一路逃遁是日官兵自子

至亥追擊一百七十餘里斃賊一千四百餘名

又山寬坪追殺復斃賊八百餘名生擒朱孟祥

等五百四十三名奪獲騾馬七百餘器械無算

賊勢已靡惟首逆尙在竄逃急當乘勝力捕因

兵丁尙有未經趕到者連夜催齊查甘溝西北  
卽爲楚北鄖西地界聞鄖西各要隘經汪新飭  
令鄖陽府王正常該縣孔繼榦募設鄉勇防禦  
周密隨飛飭該府縣等督率防堵臣分兵兩路  
與明亮等於初六日五鼓帶領滿漢屯土馬步  
官兵由上津堡槐樹溝兜剿隨剿隨進未刻將  
賊匪追逼至三岔河賊眾男女尙有八九千人



猶敢捨死衝撲佔住山梁奔突溝口

臣

等親率

官兵路路截殺正在圍攻喫緊之際有湖北把

總修永宏帶領鄉勇堵剿前來併力截殺

臣

恐

首逆復又遁逸富將獲賊審訊據供左山梁一

路賊人齊王氏姚之富皆在其內遂將該二犯

年歲服色訊問明確一面飛派兵勇分投將餘

賊堵剿一面懇同明亮賽冲阿阿哈保温春達

晉泰阿穆勒塔德寧等帶領奮勇兵丁將左山  
梁四面圍住該逆尙率男婦三千餘人滾石放  
鎗力拒官兵四面一擁直上該二逆率衆奔逃  
至險峻之處棄馬爬越吉林索倫官兵亦皆下  
馬同步兵一齊趕擒臣當卽傳令衆官兵必須  
生擒首逆解京母得鎗箭致斃該逆等惶急前  
狀齊王氏率婦女十餘人從西南投落陡崖姚

之富亦向懸崖跳下

臣

飛飭擒捕姚之富已跌

傷心坎立時斃命齊王氏尚存殘喘

臣

河明亮

親督官兵將夥黨三千餘衆盡行殲斃其各山  
梁溝內賊匪分派鎮將率兵剿捕殲斃四千餘  
名生擒一千三百餘名內大頭目王如美訊係  
白襄陽與姚之富幫同齊王氏起事之人僞稱  
大丞相又獲小頭目朱正聲等二十三名均卽

凌遲梟首餘賊概予駢誅初七日黎明剿殺淨盡至齊王氏一犯初被擒時氣尙未絕當加訊問業已不能詳供惟自認齊王氏不諱并提集活犯張成美劉朱氏等令其認識俱指稱實係首逆齊王氏并稱該逆頭髮剪後復蓄長不盈尺并身穿繡衣耳戴金環可據姚之富一犯查訊各犯所稱面貌服色指對相符確鑿無疑當

卽傳集各營兵勇及附近人民將齊姚二逆鬻  
割斬梟復將一死骨判揚軍民目覩無不歡呼稱  
快並將首級傳示湖北本籍及川陝滋事地方  
遍行曉諭再當委員解京此股賊匪爲衆逆之  
魁旣經剿淨省出一路得勝之兵別股賊匪自  
必聞風震懼臣乘此機會不肖少有遲緩計現  
在張添文李全一股經秦承恩等痛剿定易得

手臣卽日帶兵馳赴山一陽剿辦高均德一股總  
當以東北面爲重卽遇他股賊匪竄近亦卽隨  
時相機剿辦至此股賊內或有零匪竄匿山林  
者已飛咨秦承恩汪廷飭令該地方官督率鄉  
勇搜辦並將被擄未久民人確查省釋連日打  
仗索倫委防禦領催福珠里委驍騎校領催圖  
明阿委驍騎校領催阿里均因殺賊陣亡協領

色爾滾等亦俱受傷其餘陣亡受傷兵丁另行  
查明咨部至鎮臣木騰額在苗疆出力年餘現  
在隨同剿賊日在前敵尙爲奮勇所帶廣東兵  
丁寔屬得力又隨征滿漢屯土官兵及隨營辦  
理軍務各員晝夜跟隨不辭勞瘁容俟查明覈  
實再行分別奏請加

恩奏入

上命軍機大臣傳諭勒保德楞泰曰連日盼望捷報正在宵旰莫釋本日已刻遞到德楞泰奏報殲除首逆齊王氏姚之富並將此股賊匪全行剿蕩覽奏欣悅但兩首逆均係情急投崖垂紫雖經臠割示衆究未能生擒解京盡法處治不爲滿意前因明亮係首先領兵之人任聽賊匪往來奔竄特將伊革職拏問本欲解京治罪嗣復加恩暫留軍營



作爲領隊茲德楞泰戴罪首先領兵得此勝仗殲  
斃二逆若非朕加之懲創則將弁等安能人人用  
命一鼓直前耶明亮此次因人成事尙不足抵前  
此遲悞之咎姑念全股賊匪業經殲淨無遺伊等  
尙知悔過自新德楞泰著賞給金鑲寶石帶鈎金  
鑲松石盒玉喜字搬指大小荷包賽沖阿阿哈保  
溫春阿穆勒塔達音泰木騰額德寧明亮並著各

賞給金鑲松石盒玉喜字徽指火鏢包大小荷包  
木騰額帶領廣東兵丁尙爲得力並著賞戴花翎  
至湖北把總修永宏聞聲馳赴堵剿實屬奮勉卽  
著超陞守備其隨征滿漢屯土官兵及辦理營務  
帶領鄉勇等項出力各員俟德楞泰查明核奏再  
行酌量加恩所有殺賊陣亡之福珠里圖明阿阿  
里俱著咨部加等議卹現在德楞泰等率領勝兵

馳赴山陽計此時陝省竄匪中緊要首逆係高均  
德李全其次卽張添文阮正通務須按名設法生  
擒解京處治斷不可再令情急自斃俾逃顯戮俟  
陝境賊匪全數肅清後德楞泰等酌量情形所有  
各處勝兵以十分之六赴川幫同勒保剿辦川北  
賊夥以十分之四就近由鄖西取道速赴歸宜一  
帶幫同景安等剿辦川東竄匪以期一律寧謐

上諭內閣曰據德楞泰奏會同明亮追剿賊匪將首  
逆姚之富齊王氏殲斃明亮尙有微勞著將伊二  
子釋回加恩賞給上虞備用處拜唐阿此係朕格  
外體恤明亮當倍加感奮速擒首逆以贖前愆

十七日

辛巳

勒保惠齡奏言王三槐徐添德冉文

儔等屯踞達州渠縣境內經

臣

等在蚊蟲溪併

力擊退後匪衆卽於對河白山寺等處屯聚並

分股直趨永興場窺伺渠縣又分股潛匿石梯  
坎一帶以防官兵追截情形實爲狡詐查三涯  
一路已先派副將雷仁海常等帶兵馳堵插旗  
山一路仍飭總兵保興副將宋延清等躡蹤追  
擊臣等同提督富成副都統七十五總兵富爾  
賽百祥等設法渡河又派令兵勇砍伐竹樹密  
爲預備二十七日晚間霧雨微集卽於四更時

一面遣人於上游花石磬地方安設大礮轟擊一  
面於沙溪灣下游紮筏徑渡臣等督令兵勇一

躍上岸占住白山寺對面山梁分兵兩翼直抄  
賊營維時賊匪多在沿河備禦我兵出其不意  
奮勇向前殲斃無算而附近占據民房及散處  
河灘之賊聞聲屬至我兵往來衝擊又斃賊六  
七百名搜獲賊礮五個生擒一百三十七名餘

衆分路逸出遊擊王國棟千總張文魁受傷陣

亡偵探賊蹤有向渠縣三匯奔竄者有從橋灣

河等處折回者臣等因三匯爲渠達交界之區

是以督率鎮將星夜馳赴該處截剿正在布置

間據報保興等一路官兵於二十八日從插旗

山進發追至石梯坎遇賊接仗連奪賊卡五座

殺賊五百餘名因該處山徑紛歧兼之風雨驟

至賊匪攢集攻撲適宋延清後隊官兵繼至輪番衝擊而賊匪愈聚愈多相持不退臣等卽令

富成及總兵穆維等選帶勁兵星夜馳赴石梯坎詎保興因賊勢緊急身先士卒出卡壓擊猝被鏢鎗陣亡叅將文奎都司黎志誠同時受傷殞命其餘將領兵丁正在與賊攪殺適富成等趕至余家寨地方距石梯坎數里卽督兵衝擊



而進賊匪見有大隊策應隨即散竄該提督統  
兵追剿五六十里沿途殺賊七八百名生擒游  
玉俸等五十餘名訊供此起賊匪即係冉文儔  
因王三槐徐添德被剿情急是以商令該逆在  
後以防官兵追擊臣等於三十日進抵三匯據  
雷仁等面稱賊匪見三匯已有官兵不敢前進  
即從土溪場李復溪一路焚掠勢必直撲渠縣

臣等遂令富爾賽雷仁帶兵一路從草街子繞出賊前以護渠 縣城池令七十五百祥等帶兵

一路從土溪場繼進 臣等督同富成等由林壩

溪中途進發初二日行抵板橋正遇賊匪肆出

焚掠我兵奮勇截殺殲斃三百餘名餘匪復從

三板場一路竄去 臣等連夜帶兵趕抵土城壩

忽有賊匪分爲五路搖旗吶喊而至富成七十

五富爾賽等分兵下壓擒斃極多賊匪旋又另

分一股從土城堽之右衝突而上直撲臣營盤

勢極兇悍臣等同明興督率馬步官兵向前截

殺並令百祥等從大神山橫衝賊隊又斃賊三

百餘人守備張潔中鎗陣亡臣等卽督兵乘勢

進擊搶上對面山梁賊匪向巖峰灘一路奔竄

統計自板橋進抵土城堽殺賊二千餘名生擒

二百五十九名內有田在潮一名係徐添德同  
時起事賊目黃紹遙一名係冉文儔手下賊目  
訊供首逆王三槐等現從岩峰灘一路逃去其  
永興場李家場貴富驛苦竹寺等處尙有賊衆  
在後屯紫原係彼此商量如能攻得三匯渠縣  
卽赴廣安大竹一帶前去如被官兵攔住卽從  
貴富驛靜邊寺竄往營山再定去路當將該犯

等分別凌遲正法

臣

等一面於三淮收蠱溪各

要隘酌量留兵防範並飛飭渠縣達州於石橋

河江陵溪佛樓寺等處趕緊分撥鄉勇扼要堵

禦一面卽督率官兵馳赴營山靜邊寺一帶相

機兇截再查開縣一路竄匪擾及雲萬下游經

臣

等分飭總兵富森布德齡艾如文副都統銜

六十七等設法攻剿並令夔州府知府張至幹

督飭所屬扼要防堵飛札宜昌鎮總兵張廷彪  
卽帶楚省防兵馳赴巴巫一帶駐守連日據報  
林亮功等一起仍在開州坪地方恃險拒守其  
分竄雲萬下游一股繞至大寧縣屬青莊坪寶  
塔寺等處經觀成等撥兵堵截並經大寧縣知  
縣鍾蓮團集鄉勇分投截殺運道旋就疏通匪  
衆復折回奉節攻撲蓮花池卡隘知府張至幹

等曾率兵勇併力堵剿斬獲甚多餘匪卽向巫  
山一路逃竄該處本有叅將吉林泰都司徐朝  
綱等帶兵駐守現據張廷彥稟報亦帶防兵移  
至巴東縣屬界嶺等處互相防堵自能遏其東

竄

同日宜綿奏言

臣

於初一日自漢中兼程前進

探聞阮正通一股已竄至五郎廳漸入鎮安西

界其高均德齊王氏等賊匪經額勒登保明亮  
德楞泰等在野猪坪舊縣關連次截擊官兵現  
由黑虎廟等處分路兜剿又據西鄉紫陽等縣  
稟報張漢湖股匪現在西鄉之鹿池壩屯紮又  
據湖北竹山縣稟報川匪一股擾至巫山之八  
石坪地方約三四千人進窺房縣又有兩股在  
大寧一帶滋擾查五郎廳在興安之北西鄉紫



陽在興安之南此兩股賊匪均無官兵剿辦而  
川匪在巫山大寧等處一入房竹境內又與興  
安之平利毗連刻下情形興安最爲緊急該處  
防兵無多亟須籌備正在催趨前進間途次接

奉

諭旨似蒙

聖慈體恤以臣年老病多令回陝甘本任又暫留明

亮帥隊帶兵爲

臣

幫助感激愧奮不可名言自

顧衰病之身衝鋒打仗萬不敢虛詞欺飾亦不

敢颺言調度得宜惟有於各路領兵大員中實

可倚靠之人推誠相與互相勉勵

臣

在川時聞

額勒登保剿辦楚匪晝夜截殺不辭勞瘁此次

帶兵來陝又復身先士卒奮不顧身實爲各路

領兵大臣中之巨擘德楞泰熟諳諸軍務計慮精

詳拊循士卒人皆用命至明亮屢經行陣地利  
賊情皆能洞悉閱歷既久利害分明惟恐稍損  
國威過於持重則有之且德楞泰年力較壯一聞賊  
信帶兵先行明亮不得不在後策應實非退縮  
不前此次追剿高均德一股臣細加訪察賊匪  
數實逾萬經伊二人痛加剿殺所餘僅有千人  
計日已可成擒因齊王氏渡江合夥以致復稽

昨日是明亮於德楞泰尙無嫉功掣肘情事當  
此剿捕喫緊之時正須重藉其力而德楞泰額  
勒登保共事有年尤可相與有成臣於初五日

馳抵興安距軍營已近當卽飛咨德楞泰額勒  
登保將高均德齊王氏兩夥賊匪速行剿淨並  
令統領此路官兵以期事權歸一惟興安當三  
面賊匪之衝臣所帶之兵不及千名雖現調鎮

臣關騰防守石泉之兵五百名來興又因兩河  
關爲賊匪往來熟徑復派叅將李昌帶兵五百  
名州判薛困勉帶鄉勇二千名趕赴該處防堵  
所存之兵實不敷剿捕德楞泰等軍營兵力較

充可資抽撥

臣

隨飛調明亮於該處酌抽綠營

兵二千名帶赴興安

臣

敬宣

恩旨將伊作爲領隊令其帶罪自贖

臣

卽督赴鎮安

西界剿殺如阮正通一股與高均德等合夥正  
可與德楞泰額勒登保等兩面夾擊至張漢湖  
等一股賊匪此時實無兵力剿捕臣已飛札署

總兵田有成將現有之兵六百名嚴守堰口保  
護西鄉縣治並派遊擊額爾畢濟呼帶兵四百  
名鄉勇一千名防守漢王坪梅湖一帶其紫陽  
隘口甚多臣又派知州宋昌琚知縣金思義等

帶領鄉勇分赴安子溝盤廟河等處防堵共與  
湖北竹山竹谿聯界之白土關臣又飛飭平利  
縣多練鄉勇嚴密堵禦

同日汪新奏言臣於初九日行抵襄郡接據各

屬稟報川省賊首劉成棟等率領醜類萬餘分  
爲三股於二月二十八九等日出巫山縣闖入  
宜屬之巴東境內因賊勢甚衆防守兵勇多有

傷亡賊卽由歸州分竄與山東湖保康三屬直

逼遠安南漳等境臣察看賊情非窺伺荆襄卽

圖竄豫省此時荆襄各屬兵守空虛惟有於東

北一帶竭力攔截逼入西南山險以待大兵到

來前後夾擊臣已飛咨鎮臣張廷彥帶兵馳赴

東湖一路抄截並令副都統海興阿挑帶滿兵

數百名速往當陽駐守文圖帶領江西兵八百



餘名並

臣

所派叅將董寧川帶兵四百餘名赴

保康興山一帶迎頭截剿並令接界各屬原集

健勇四面兜圍以期逼歸一處仍一面飛咨勒

保派兵來楚協剿庶可一鼓集事惟安陸襄陽

鄖陽三府所屬江面綿長千有餘里在在與豫

省連界目下江水正枯處處可涉

臣

現飛飭各

屬於漢江北岸照依上年所定章程安設鄉勇

加謹防禦並飛咨景安酌派兵勇前來北岸協  
守均奏入

上命軍機大臣傳諭勒保宜綿德楞泰景安汪新曰  
王三槐徐添德冉文儔等合夥屯聚達州渠縣境  
內經勒保等督率官兵沿途截剿共殺賊二千餘  
名所辦尙好該匪雖人數較多現在勒保又調雲  
貴兵一萬名不日卽可到彼兵威極其壯盛且齊

王氏姚之富二首逆業經殲斃今已傳首楚北賊  
匪聞此信息自必倍形震懾勒保務宜趁此機會  
將王三槐徐添德冉文儔等各首逆速行擒獲不  
可專待雲貴兵到始行進剿總兵保興身先士卒  
遇賊陣亡實爲可憫著加恩照提督例議卹其餘  
陣亡之叅將文奎遊擊王國棟都司黎志誠守備  
張潔千總張文魁俱著咨部加等議卹至宜綿奏

令明亮酌帶官兵前赴興安一節此時剿捕情形  
究以高均德一股爲要若能將該逆卽行擒獲其  
阮正通等窮竄之賊剿除自易此旨到時如明亮  
已經拏獲高均德自可馳赴興安若正在喫緊追  
剿卽當與德楞泰奮力進擊務將該逆速行拏獲  
剿淨餘黨再酌量情形或帶兵分赴宜綿秦承恩  
兩路剿辦阮正通李全等股賊匪至川省賊首劉

成棟等由巫山歸州竄近遠安南漳等境經汪新督率兵勇於東北一帶攔截逼入西南山險所辦尙是此時景安自已抵襄惟當與汪新督率將弁兵勇趕緊兜截將此股竄匪速行剿淨不使再有他竄至陝省竄匪相距潼關已遠著倭什布速赴豫省調任仍在盧氏一帶督同張文奇帶兵防守

十九日

癸未

德楞泰額勒登保奏言

臣

德楞泰於

初八日由鄖西領兵進發十一日馳抵山陽屬  
之九里坪先是臣額勒登保於初一日抵湯峪  
口拏獲賊匪探馬溫智仁等四名據供張添文  
李全等合夥欲往藍田縣城滋擾並欲與高均  
德齊王氏合夥當將該犯等凌遲處死官兵趕  
至小廟口賊匪蜂擁而來當令綸布春長春噶  
達鼐富森額富里善分爲兩路迎擊賊匪捨命

抗拒

臣

額勒登保帶領烏爾呼諾格布舍德明

泰等由中路衝擊自未及西殲賊二千餘名餘

賊向秦嶺奔逃時興肇柯藩已帶兵前來

臣

額

勒登保覓道由石灰廠曹家坪一帶前進初四

日馳抵金井口探知李全張添文等近在小河

口卽率兵分路截擊緊躡賊蹤該匪等輾轉奔

逃沿途殲戮一千餘人賊衆復從板巖石梯子

等處狂奔西竄勢將趕上高均德合夥

臣

額勒

登保於初九初十日由峒峪口抄出九里坪適

臣

德楞泰同明亮從鄂西抄道前來遂會晤公

同籌酌現在節據探報賊首阮正通冉文儔令

添祿等分股由川入陝在五郎鎮安山陽等廳

縣一帶滋擾均可前竄西安省城潼關大道並

可闌入楚豫股數既多人數亦衆自宜先以東



北爲重查東面一帶漫川關業經總兵路超吉  
帶領兵勇駐守堵截其北面近省一帶已有秦  
承恩王文雄在盤屋郿縣適中之地扼要防堵

臣等帶領勝兵務擇賊匪奔竄緊要道路按股

進剿惟有隨時相度機宜上緊籌辦再臣德楞

泰於十二日接准宜綿來咨飛調明亮抽帶兵

二千各速赴興安一帶剿辦當於前敵抽派索

倫兵五百名交圖桑阿管帶廣東兵一千五百  
名交鎮臣木騰額管帶明亮卽於十三日由山  
陽黑山口統率起程星夜前往

同日秦承恩奏言

臣

與王文雄將翔峪等處賊

匪剿盡卽帶兵馳赴藍田探蹤截剿途次接據  
探報賊匪一股約二千餘人直奔孝義廳滋擾  
臣卽飛飭嶺上各卡隘嚴密防守一面會同王

文雄帶兵馳回大峪口旋又接防守孝義之差  
弁高鳴玉稟報初九日賊匪一股由南路直撲  
孝義該弁卽同千總銜嚴玉春毛昭遠等督率  
鄉勇奮力堵禦斃賊三百餘名忽又有一股賊  
匪由沙溝小路繞至署後拋擲火彈燒燬民房  
廳署同知葉文麟之子葉槐督同鄉勇高占魁  
等竭力抵殺互有傷亡適葉文麟自秦嶺聞信

卽帶領兵勇二百名趕緊應援賊匪遂向東南  
狂竄訊據獲犯供稱係李全分出之賊因聞各  
路官兵俱在東南兜剿卽伺隙翻山北竄欲勾

合阮正通一股偷過嶺北直奔大路裹掠

臣等

查此時高均德一股尙在鎮安山陽之間阮正  
通一股已由五郎竄入鎮安境內又連據西鄉  
縣稟報賊匪張漢潮及龍仁山之姪二股已先

後由川省竄至西鄉之漁渡壩紫陽之毛壩關  
等處賊匪股數既多難保其不乘虛四竄計現  
在秦嶺以南有額勒登保興肇柯藩等分路兜  
剿而德楞泰明亮已將齊王氏大股殲淨卽帶  
領勝兵會剿江綿亦自興安前來督辦惟嶺北  
一帶祇有臣與王文雄所帶兵勇三千餘各現  
探此股賊匪已由東南奔逸臣等若過嶺追趕

轉恐逼入藍田諸峪口乘間北竄自應卽在大  
峪口一帶顧住北路相機堵剿仍一面飛催山  
西兵二千各趕緊前來現有英吉沙爾領隊大  
臣承德來營告請帶兵應請

旨留於軍營俟山西兵丁到齊卽令承德帶領以資  
統率又革職藍翎侍衛慶廉前因扶送伊父總  
兵德光回旗今到陝西呈請隨營聽候調遣

臣

已令其隨同將備等帶兵如果奮勉出力另當  
核實奏

聞此次在孝義打仗傷亡兵丁鄉勇另行查明咨部  
再鄉勇高占魁係漢中木商上年曾捐出大木  
五千根紮立雞頭關木城又捐木枋數千以供  
大兵炊爨此次帶領木牌水手在孝義打仗身

受重傷復衝入賊隊殲戮多人實屬奮勇

臣

賞給千總頂戴又在配軍犯陸世涵龔大徒犯  
王德潮三人隨同打仗甚爲出力可否卽予開  
釋出自

皇上天恩

同日與肇柯藩奏言臣等自初一日與秦承恩

王文雄合兵截擊賊匪卽向東西分竄隨公同  
商定秦承恩王文雄仍帶原兵截剿西竄之賊



額勒登保帶兵由藍田進發臣等緊躡賊蹤由

秦嶺之庫峪追剿初二日行抵嶺頭不遠據前

探報稱賊衆大隊屯聚前面山梁臣等卽率領

官兵星赴該處先備大礮仰攻賊人滾放搗石

下擊臣等鼓勵將士隨攻隨上斃賊一百餘名

餘匪捨命向下滾逃官兵乘勝下壓又斃賊二

百餘名生擒一百三十七名下至半山前面溝

內預匿賊衆又於山脚下分爲三隊捨命攻撲

臣

等督率將領各帶兵勇亦分三路迎擊正值

大霧瀰漫賊衆竟敢吶喊齊上官兵鎗箭競發

至三更時賊始稍退卽率官兵扎駐次日黎明

查知擊斃賊匪百有餘名將弁中協領富魁外

委馬伏相均因打仗受傷千總趙復興陣亡其

餘滿漢兵內亦有傷亡另行查明咨部初五日

行抵曹家坪額勒登保已到紅石溝口臣等卽

赴彼營商定分路前進至張家坨地方額勒登

保趕上賊匪殲殺多人餘向九里坪等處逃逸

臣等沿途捕剿於初七日行至鳳凰嘴南水碓

內突出騎馬賊數百名勢甚兇悍臣等卽督令

官兵向前迎敵衝殺多人賊始退上山包復有

多賊接應我兵奮勇直撲上山又殺賊二百餘

各其潛匿溝內之賊均被擊斃生擒陳彩章等

一百二十八名訊據供稱係二月二十二日由

岷柳灣渡過漢江此股賊首係阮姓冷姓二人

實不知其名字當將該犯等正法餘賊已越水

碓溝逃竄臣等現仍躡蹤截剿務期早行掃蕩

均奏入

上命軍機大臣傳諭勒保宜綿德楞泰景安秦承恩

曰陝省竄匪齊王氏姚之富俱已殲斃高均德祇  
係潰散窮蹙之賊無難一鼓掃蕩乃德楞秦等以  
現有與肇柯藩帶兵截擊伊等轉向東北一路截  
剿阮正道等竄匪豈非緩急失當此時興安一路  
本有宜綿在彼明亮又帶兵前往足資協剿德楞  
秦額勒登保各有勝兵四千名秦承恩與王文雄  
追剿賊匪屢得勝仗今又添山西生力兵二千名

各路聲威均極壯盛惟當乘勝兜圍將高均德李  
全張添文阮正通冉文儔冷添祿張漢潮等悉行  
擒獲肅清陝境但閩德榜秦承恩各摺內有節  
據西鄉等縣稟報川省賊匪分股入陝各等語此  
則不可從前漢江一帶係興肇柯藩在彼防堵現  
在興肇等卽因追賊未能兼顧而漢江一帶尙有  
署總兵田有成及道員文需等帶領兵勇在彼防

禦焉有任賊匪涉渡之理豈漢江一帶自興肇等  
離彼後竟無一人駐守大小文武置之不顧上司  
亦不查問耶至川北賊匪乘間竄入陝省而川東  
賊匪又竄入湖北竟欲以鄰國爲壑勒保經朕委  
任不宜如此居心卽勒保未暇查及而伊所屬將  
備員弁則不能保無逐賊出境自圖省力之意著  
該督卽行查明據實叅奏仍遵旨派員帶兵速赴

漢江南岸交界處所堵截賊匪竄竄之路並著宜  
補秦承恩王文雄督飭陝省各員嚴密布置妥爲  
堵禦毋得再有踈縱至秦承恩奏永德告留軍營  
一節此時新疆本無要事永德自應留於該處帶  
兵以資得力俟賊匪剿淨再令前往英吉沙爾所  
有打仗出力之鄉勇高占魁如果始終奮勉卽以  
千總補用又在配軍犯陸世涌龔大徒犯王德潮



均屬出力亦著谷部准其開釋其與肇等一路殺賊陣亡之千總趙復興著谷部加等議卹此時陝省各股竄匪其高均德李全兩股著責成德楞泰額勒登保興肇柯藩專力剿辦其阮正通及後來之張漢潮一股賊匪著責成宜綿明亮專辦其在西安附近之李全分股賊匪及後來冉文儔一股若果竄近東北著責成秦承恩王文雄承德專辦

如此各專考成庶可迅速集事倘各股之賊又復合而爲一則四路官兵兜擒夾擊更可聚而殲戮宜綿德楞泰秦承恩等當倍加奮勉也至景安此時自己前抵襄陽現在興山保康一帶川東竄匪滋擾襄江一帶防堵爲要惟柯藩在陝不能兼顧南陽已令護理河州鎮篆將田永桐補授南陽鎮總兵卽著馳驛前往此時倭什布已由蒲州前赴

盧氏一帶所有襄江防守事宜卽著景安倭什布  
指示張文奇田永桐妥爲防範以期豫楚交界一  
帶悉臻寧謐

上諭內閣曰明亮現在帶兵前往興安一帶協剿賊  
匪念其前將齊王氏姚之富殲斃著有微勞著加  
恩賞給副都統銜並賞戴花翎